

प्रा॒णो वै स्व॒यमा॒तृष्णा॒न्नं पु॒रीषं प्रा॒णो तद॒न्नं दधा॒ति ते॒न स॒र्वमा॒त्मानं प्र॒हाद॒यति
 त॒स्माद्य॒त्प्रा॒णोऽन्नं धी॒यते स॒र्वमा॒त्मानम॒वति स॒र्वमा॒त्मानम॒नुव्ये॒ति ॥ २ ॥ न स्व॒-
 यमा॒तृष्णाया॒माव॒पेदित्यु॒ हैक॒ऽआहुः । प्रा॒णः स्व॒यमा॒तृष्णा ने॒त्प्रा॒णान॒पिद॒धानी॒ति
 स वा॒ऽएव॒ व॒पेद॒न्नेन॒ वै प्रा॒णा वि॒ष्टब्धा॒ यो वा॒ऽअ॒न्नं ना॒त्ति सं वै त॒स्य प्रा॒णा
 रो॒हन्ति॒ तद्य॒स्य ह॒ तथा कु॒र्वन्ति॒ यथा शु॒ष्का सू॒र्मा सु॒षिरे॒व॒ ह॒ सोऽमु॒ष्मिं॒लोके
 स॒म्भव॒ति त॒स्मात्स्व॒यमा॒तृष्णा॒यामै॒व व॒पेत् ॥ ३ ॥ स्व॒यमा॒तृष्णाया॒मोष्य॒ । अ॒नूक्य॒या
 सं॒हाद॒यन्नेत्या॒ परि॒श्रि॒द्ध्यः स ते॒नैव॒ दक्षि॒णावृ॒ज्जघ॒नेन॒ स्व॒यमा॒तृष्णा॒ सं॒हाद॒यन्ने॒-
 त्या पु॒नर॒नूक्य॒यि ॥ ४ ॥ आ॒त्मान॒मग्रे॒ सं॒हाद॒यति॒ । आ॒त्मा ह्ये॒वाग्रे॒ सम्भ॒वतः॒ सम्भ॒-
 व॒त्यथ॒ दक्षि॒णं प॒क्षम॒थ पु॒रुष॒मथो॒त्तरं॒ तद॒क्षि॒णावृ॒त्तद्वि॒ देव॒त्रा ॥ ५ ॥ स एष॒ प्रा॒ण
 ए॒व यत्पु॒रीषम् । ते॒न स॒र्वमा॒त्मानं प्र॒हाद॒यति स॒र्वस्मिं॒स्तदा॒त्मन्प्रा॒णं दधा॒ति त-
 द्वा॒स्यैतद॒ङ्गं ना॒भिप्रा॒प्नुया॒त्प्रा॒णो ह्य॒स्य तद॒ङ्गं ना॒भिप्रा॒प्नुया॒द्यदु॒ वै प्रा॒णोऽङ्गं ना॒-
 भिप्रा॒प्नोति॒ शु॒ष्यति॒ वा वै त॒न्ना॒यति॒ वा त॒स्मादे॒न॒ सर्व॒मे॒वैते॒न प्र॒हाद॒येत् ॥ ६ ॥
 इ॒न्द्रं वि॒श्वा अ॒वीवृ॒धन्निति॒ । इ॒न्द्र॒ हि स॒र्वाणि॒ भू॒तानि॒ वर्ध॒यन्ति॒ समु॒द्रव्य॒चसं॒
 गि॒र इति॒ महि॒मान॒मस्यै॒तदा॒ह रथी॒तम॒ रथी॒नामि॒ति रथि॒तमो॒ ह्येष॒ रथि॒नां वा॒-
 ज्ञा॒ना॒ स॒त्पतिं॒ प॒तिमि॒त्यन्नं॒ वै वा॒ज्ञा अ॒न्नाना॒ स॒त्पतिं॒ प॒तिमि॒त्येत॒द्दे॒न्द्यानु॒ष्टुभा॒
 नि॒वप॒त्यैन्द्र॒ हि पु॒रीषं॒ तदे॒तर्ध॒मग्रे॒यत्पु॒रीषम॒र्धमै॒ष्टकम् ॥ ७ ॥ तदा॒हुः । यत्स॒र्वै॒-
 श्क॒न्दोभिः॒ स॒र्वाभि॒र्दे॒वता॒भिरि॒ष्टका॒ उप॒दधा॒त्यथै॒तदे॒कैक॒दे॒वत्य॒या नि॒वप॒ति कथ॒मे॒-
 तर्ध॒मग्रे॒रिती॒न्द्रो वै स॒र्वान्दे॒वान्प्र॒तिप्र॒तिस्त॒द्यै॒न्द्र्या नि॒वप॒ति ते॒नैत॒र्धम॒ग्रेरथ॒ य-
 दनु॒ष्टुभा॒ वाग्वा॒ऽअनु॒ष्टुब्वा॒गु स॒र्वाणि॒ ह॒न्दा॒सि ते॒नोऽष्टु॒वार्धम् ॥ ८ ॥ अथ॒ वि॒-
 क॒र्णी च॒ स्व॒यमा॒तृष्णां चो॒पद॒धाति॒ । वा॒युर्वै वि॒कर्णी॒ द्यौरु॒त्तमा॒ स्व॒यमा॒तृष्णा वा॒-
 युं च॒ तद्वि॒वं चो॒पद॒धात्यु॒त्तमे॒ऽउ॒पद॒धात्यु॒त्तमे॒ हि वा॒युश्च॒ द्यौश्च॒ स॒स्पृष्टे॒ स॒स्पृष्टे॒
 हि वा॒युश्च॒ द्यौश्च॒ पूर्वा॒ वि॒कर्णीमु॒पद॒धात्य॒र्वाची॒नं तद्वि॒वो वा॒युं दधा॒ति त॒स्मादे॒-